

摘藻堂四庫全書薈要

集部

欽定四庫全書薈要

集部

石田詩選卷三

四

詳校官候補通政司經歷臣郭祚職




欽定四庫全書蒼齋要卷一萬六千八百九

集部

石田詩選卷三

明 沈周 撰

  
東室 亭館附  
移榻西軒

舊榻處幽暗耽睡固有因移之置西軒軒製煥以新其  
地不函丈虛明易知晨東方動初陽流光先枕茵破我  
黑甜境夙興自然勤盥櫛能及時亦足勸奴人尚有清

夜景月出簷之脣照書僅可讀老眼自不真茲軒所助  
我遲暮生精神享此一息佳嗒然遺我身

濼西草堂

堂在濼西黃草茨吳鄉莫把蜀鄉疑地從杜甫名全借  
圖為盧鴻我不辭衣桁夕陽迷翡翠竹坪春水下鷗鷄  
百壺自醉蘇司業未解求人為酒資

流波館為史德徵賦

嬰湖南派分兩漈翠阜浸波雙朶落沙鷗渚鷺雪點鏡

楊柳芙蓉錦開幕  
水心有屋駕虛明  
柱插玻璃高借脚  
上留客榻枕秋眠  
下許漁舟帶烟泊  
不須擇勝日移亭  
何數倚晴偏快閣  
無地樓臺笑語涼  
倒天星斗魚龍躍  
門前萬頃不入稅  
寸金寸土卑城郭  
紅闌我儼一臨流  
但怯鬚眉老非昨

閒居

顛毛脫盡野僧如  
世好都歸一懶除  
欲博晏眠高著枕  
圖便老眼大抄書  
屋須矮小茅須厚  
窓要清虛竹要疎

心與陶翁有相得時歌吾亦愛吾廬

湖南草堂為慈溪張廷儀賦

清勝之居不可當詩書亦許帶農桑近家湖似君王賜  
買宅貨非錄事將山有一屏華翡翠人無半唾辱滄浪  
開門儘得臨流興何待蘭亭始可觴

灣東草堂為弟樸賦

愛子別業灣之東去家僅在一里中蔽門遮屋樹未大  
矮簷但見麻芄芄頻年一意耽詩酒翻然改與耕夫偶

赤脚盃飯走細膝戴笠牽牛映新柳時人喃喃譏子愚  
阿翁儘有高明居何致妻子嫌側陋何信兄弟專錙銖  
從人自說渠自好力田養親殊有道強於遠宦竊斗升  
手種長腰使親飽力田養親樂已多兄弟妻子如予何  
我與題詩解嘲罵門外雨來蛙滿河

莫氏壽樸堂

莫家種樸堂之前人家與樹相為緣拱宋抱元非一年  
皇明十圍猶鬱然望如車蓋臨綺川張空黛色凌蒼煙

危柯垂地雷雨妬斲皮露心螻蟻穿屢逃兵火合靈怪  
曲救樵斧誰蚩緣雖然所托在得地似此愛護寧非天  
天嘗戲赭不為病與家同衰即同盛侍郎狼狽以官敗  
大類犧尊災木性兒孫奕葉今森森玉庭便欲空槐陰  
人於門第望喬木我羨根柢生詞林嗚呼此家此樹不  
易得李宿應須自封殖作圖還擬角弓篇放筆為君三  
歎息

君子堂讌集分韻得上字



高堂俯闌闔所喜得虛敞門內除塵雜幽然山林想左  
右饒茂木朝禽度幽響雨至微風俱況時當長養朋從  
非一方各各慕義往揖讓禮度周言談情慨煉主人金  
閨彥忘形尚吾黨探詩侑深酌請火繼嘉賞咏歌清化  
間允著太平象雖有東封書懷哉不須上

登呂山吳氏池亭

君家四山秀相傍亭館依山起池上畫棟飛雲天影虛  
日映櫺窓搖穀浪美人清歌行玉觴碧藻出魚風澹蕩

駕鷺鷥似江湖花徑臨流紫絲障屋陰壘石更學山  
意未足真翻假尚掌上芙蓉百疊青李怪牛奇知拚擋  
主人去後我却來物是人非激悲悵浮生歲月耐有期  
富貴役心無盡藏老客重遊恐未緣惟擬緘書問無恙

齋居燕坐

齋居過雨淨燕坐意良愜習習風吹襟引酒獨淺啣勸  
飲何所有蕉袖舞長葉悅目何所有枕簟笑素頰妬幃  
了無禁得得自姬妾妾境一粲破真樂從酒攝真妾俱

茫然且作莊生嗒

題楊君謙南峯竹窩

遠結遊窩怕近城  
雲峯窈窕阻人行  
草堂一力資誰送  
椴木三年樹自成  
地吉不妨分佛界  
山空亦好發書聲  
無心富貴知楊素  
還恐驂騑入谷鳴

登吳汝秀萬竹亭

有山或無竹有竹或無主  
主家屋後山竹盛不可數布  
石接陰行初入問無虎  
高躋漸窈窕早露滴冠屨深翠

映人面葉雲仰如宇長身森萬挺疎密各有序羣居愛  
不亂君子樂生聚林亭雅中構落擇仍郭部清歌激涼  
吹按節傍可拊想多逕造客題名刻旅旅筍富主食飫  
太瘦亦自取還能長詩腴彼此有損補十箇笑市城寸  
寸黃金土此地多不賤一一容玉汝

### 竹居

宦迹殊汗漫有止必有竹作屋仍竹間麕鹿却易足便  
似黃州樓明年恐南北君子固類聚離之便云俗凡人

有此好其人亦如玉書來邀我圖漫筆寫秋綠恐無清  
氣骨顧為此君辱

補屋篇

先人有遺構宇我逾百年壞久莫除雨沾濕床頭編欲  
葺今頗喜賣菜得羨錢構者良似易葺艱方惻然仍感  
寒薄士卓錫莫黃緣內省既自幸見獲受一廛且免歌  
中露得魚敢忘筌守成固在人成人尚在天成人弗  
修得之復自捐老馬強為駒威後終怯鞭梯危自苴補

惴惴求瓦全曝濕保後讀子孫惟勉旃

宿劉邦彥竹東別墅

乍認東莊路不真有橋通市却無隣山窮借看堂中畫  
花盡來尋竹主人爛熳箋麻發新興留連櫻筍送殘春  
與君再見當經歲分付清觴緩緩巡

乾坤一草亭為狄天章賦

少陵老子舊茨茅小著乾坤氣自豪作者有程吾耳耳  
視之如傳世勞勞圖書可託斯文在風雨無驚地位高

坐此笑歌三百歲江山屏障一週遭

留題蘇文輝隱居

迢迢覓虛浦依依指青林  
拉柁沿洄流逾梁路轉深  
遙眇人家處雜戶班溪潄地僻罕人事  
兒童窺客臨何須詰君居漫緣清  
誦尋深簷映疎竹垂簾晝陰陰  
斂書出肅我為喜卒莫任神通  
雖云久覲面乃始今癯然何巉巖  
長裾配寬襟惜惜寡言辭志靜  
知慮沈父子自家學禽魚同隱心  
鷄黍既云具薦醪復鳴琴欲別不忍  
即止

宿抱綈衾

碧梧蒼栝之軒

吾寢之前有屋甚虛明屋下有一梧一栝並秀于庭  
因名之云

吾軒陋無取賴有此嘉樹梧栝各一植當前鬱分布正  
比雙國士褒然在賓昨我是軒主人對越自朝莫讀書  
接葉下小酌亦可具徘徊弄華月涼影亂瑤璐疏繁來  
冷風拂亞濕清露始信昌黎公喜為五楸賦我初作軒



時自以偃息故軒樹本無因偶合亦有數以樹名吾軒  
以物表所遇樹色如得意我亦成其趣枯古枝相膠偃  
蹇抱貞固悟身聳而拔未可限尺度遲彼鸞與鵠引子  
來向附時時掃螻蟻霜皮慮其蝨但笑三千年羽化我  
當去我去空此軒當為誰所住軒亦空此樹當為誰所  
顧存亡俱冥冥天地卽一寓

谿亭小景

幽亭臨水稱冥棲蓼渚莎坪咫尺迷山雨乍來茆溜細

谿雲欲墮竹梢低  
簷頭故壘雌雄燕  
籬脚秋蟲子母雞  
此段風光小韋杜可能無我一青藜

馬秋官課農山莊

秋官臺笠事東菑  
雖愛清幽也似癡  
分肉戲專隣叟社  
訟田閒剖野人詞  
竹枝雨暗蟪蛄戶  
豆葉風涼絡緯籬  
知遣牀頭三百甕  
醉中都賦勸農詩

杏林書舍為戚宗式賦

父設教  
子行醫

設教開醫沸一堂  
君家父子為仁忙  
松梢露碧臨窓硯

杏樹華紅隔水莊  
買藥僮歸門夜月  
挾書生散路斜陽  
成才起死心相等  
用世誰如此計長

浦東白詩樓

只把清哦換白頭  
騷情選思入冥搜  
樓居疑與仙人借  
詩卷當從天地留  
東海倚濤孤枕夜  
西山間雨斷髭秋  
最憐老子興不淺  
崔顥時時接夢遊

成趣亭

舊聞淮上尚書府  
別作陶翁成趣園  
三匝菊松迂引徑

金史四庫全書  
卷三  
兩交梧竹暗通門亭分啼鳥邊頭座人倒飛華裏許尊  
莫信平原誇富貴只憑幽雅繼兒孫

黃尚節靜逸堂

記得君家附郭居一堂幽處市聲虛綠陰日薄停琴坐  
白髮風涼帶雪梳嬉脚漫延窓下酒燕泥時汚手中書  
長郎日以文為業潤筆青錢可饌魚

澤居偶書

比隣星散絕經過四壁寒光渺渺波私畜牛羊易牧少

官倉鼠雀福梁多西風布被耽朝卧殘月松窓行夜哦  
不是老夫能遣撥出門一望奈愁何

寰翠堂為韓鎮撫作

韓侯京口高作堂堂後萬石山低昂復有瀦水方鑿塘  
堂中動搖山水光金焦乃是天富貴巧手移入家中藏  
簾掀曉日見翡翠笙吹夜月來鸞皇芙蓉夾座酒滿觴  
宛如美人羅四傍韓侯闕門醉十日只恐金焦復去江  
中央

十八隣

比比托隣並相好逾百年老少雖消息林廬無改遷辛  
亥壬子歲潢潦割相連滔滔槩吳會墊彼公私田田中  
不生穀辟術無所傳嚼草草亦盡仰面呼高天惟食累  
于世不如枝上蟬渾舍相抱哭淚行間饑涎日夜立水  
中濁浪排胷肩大兒換斗粟小女不論錢驅妻亦從人  
減口日苟延風雨尋塌屋各各易為船憂塌久不解豈  
免疾疫纏死者隨河流沈骨魚龍淵生者乞四方所飽

何處邊兩年非一日幾日艱一饘遂逐更逐去如飄  
葉然飄葉或回風故處還周旋一去叵測歸歸亦何為  
屢鄉土及骨肉豈絕情愛牽厚地莫容居皇天不哀憐  
四郊類兵變蒼莽空人煙盜賊國有討此禍力難援州  
司曠恤典勢分與民縣告訴走無門何況病莫前老夫  
廩無米亦無廣厦千對眼不忍見衷腸惟火然便欲吐  
我哺納彼止一嚙衆口相噉噉欲足理莫全故好成乖  
隔載聚何因緣

過友人澤居

獨據澤中勝，遶家金壁堆。  
谿虛水照屋，花近樹平臺。  
倚杖鳥飛過，開門月入來。  
無隣惱鷺鴨，魚亦莫爭隈。

喜桑氏兩通判致政為題杏花書屋圖

舊有讀書處，杏花深雨中。  
人歸髮未白，春好樹仍紅。  
富貴浮生外，弟兄吾道同。  
門前千謝令，屋下兩陶翁。

冬日過田家

門枕碧流盡，垂楊列岸齊。  
樹中茅映屋，垣外菜分畦。  
噪



雀叢晴薄行人影  
潦谿犬聲吠暗竇  
牛迹困陰蹊  
磬折  
惟迎客盤飧趣  
饌鷄溫言謝鄭  
重勤意效扶攜  
設坐蒲  
重薦防颺壁旋  
泥奔奔役隣舍  
拜拜教孫兒滯  
飲容盃  
緩延留怕日低  
性情兼禮數真  
至見天倪

散木高居圖贈吳元璧

舊有茅堂依散木  
掛冠於此寄高風  
鹿柴山水新圖裏  
蟻國功名昨夢中  
閉戶著書今日始  
拏舟問字遠人通  
黃州到了休重說  
桑梓斜陽看醉翁

春水船軒名

我愛君家春水船，江湖已賦卜居篇。  
不憑寸地可作屋，儘住清谿無稅錢。  
涼月蕩人簷影下，晚波跳夢枕屏前。  
便從畫舫齋中看，鴻鷗鷓鴣相對眠。

林堂雜咏

再拜逢迎覺不便，遲遲筋力且衰年。  
林堂看雨開春酌，午枕便風奪夜眠。  
收蜜買茶供歲計，曬書烘畫合閒緣。  
交遊往往通朝報，榮辱升沈一惘然。

望洋亭為李知州賦

海上高城壓廣洋，新亭東眺眼蒼茫。  
白滔萬里登臨近，青並三山指顧長。  
歲久魚龍扶地軸，秋清鷗鷺送天光。  
邦侯戾止威明肅，約束陽侯不敢狂。

道傍酒館

酒香觸路酒旗青，去馬來車到此停。  
信是利糟名粕釀，行人醉煞不曾醒。

同心堂為瀆川王氏賦

卷三  
王氏諸郎有德馨芝蘭玉樹倚春庭老偕鬢雪三人白  
食共炊烟五世青不聽婦言家免禍每書忍字座為銘  
何當把酒高堂上為爾臨風咏鵲鴿

廢宅行

長洲苑外連雲宅青粉垣牆高廿尺重樓沓閣出參差  
柳絮中間影朱碧堂前暖霞封畫闌淵淵伐鼓催牡丹  
行人隔牆空嘆息富貴無緣容眼看主人但怕客不醉  
白日未昏教火繼歌童揭調塵墮梁舞女失釵金溜地

豪華忌久復忌盈時革人亡一夢驚門前車馬野花盡  
地上牛羊無草生老奴髮禿攣雙足猶戀遺基葺茅屋  
半甌齏粥不療饑西風滿面吞聲哭

送王理之赴孔林書新廟碑

王子嗜字學闔戶攻古籀曾莫求人知摸搨烏衫袖發  
緒到秦封探贖更周狩前年靈光苗再構初觀復工訖  
乃紀載伐石獲良琇鉅公實修辭標美書豈後遠徵舉  
王子憲撫識不謬膏車未謀人竟作千里就聖德無假

託高揭有永壽譬言雖衮裳貴亦見附繪繡握筆敬在先  
書法要締究匪徒求嫵媚結體務莊厚老夫愛莫助贈  
言恃惟舊

題王理之草心齋

青青墳上草墳下母不起根柢母處生其心發子所子  
心所以發在母非黃土母德如陽春恩大無可補永懷  
天地間不共草榮腐

寺觀

托嘉本初上人寄題靈谷寺

帝闕東來靈谷寺箇中但少一尋師  
千行松下當容杖八德泉頭尚欠詩  
今日林慙應屬我舊時墩姓又從誰  
輕縑淡墨追空影白髮真遊未是遲

太倉興福寺觀劉鸞塑觀音像

古寺陰陰古佛棲壁中波浪海高低  
花因觸喜偏饒笑鳥解尋聲亦亂啼  
化境慈悲千種相人間影響一鎊泥  
老僧香火如如地時眼來觀祇欲迷

金山寺吉公房小酌

常惜忙未到到來方悟閒過江如隔世入寺不知山風  
氣薄詩骨夕陽浮醉顏古人誇一宿三宿我才還

宿吉公永安堂夜靜懷澄復留一首

清酣散江風展火對不寐澄懷入禪觀真若超世諦自  
顧衰颯境掛住亦良計江山不厭客詩壁無曠地州人  
亦可修舟楫日容易笑我雪鴻迹天地整為寓

趙民部夢麟王廷信符用愚諸公攜酒會飲涵虛



樓民部索詩遂有此作

白髮蕭蕭始此來，高樓正倚夕陽臺。  
闌凭南面山都出，梯到上頭江大開。  
自媿衰翁落遲局，未容民部不深盃。  
若教却飲天應笑，豪傑眼前安在哉。

聽松菴小酌

喚雨林鳩且莫催，聽松汲澗要徘徊。  
已知壁畫成神物，聊與菴僧慨劫灰。  
雙鬢雪從忙裏出，廿年人似夢中來。  
欲歸未便忘情得，更對青山醉一盃。

陪吳鮑菴載遊瑞雲觀尋道士不遇和前題韻  
渺渺扁舟入浦雲琳宮一到愜前聞春泥夾道紫人迹  
野水交陂亂鴨羣洞裏朝元郭道士城中行樂鮑參軍  
相尋兩度俱相失石上留題漫有文

別巖天道院

琳館愜清賞樓居附城陰高竹間喬柯幽然自山林我  
本草澤士不諧市俗心能來弗緣招忽去亦莫尋翩翩  
拂雙袖孤雲渺秋岑

支遁菴

千載支郎此說經  
寒泉幽澗尚縱橫  
鶯花浪示春聲色  
水月猶通佛性情  
嵌石半龕苔寄迹  
空庭一箇鶴留名  
許詢同化無同調  
只有溪山照眼青

遊西菴

尋僧雖愛茗盃清  
也要提攜有酒罍  
野色迎人過橋去  
春風吹面傍花行  
般遊欲及牛羊晚  
喜悅還隨鳥雀晴  
白髮老翁身健在  
不憂無地度餘生

買得城東廢尼地

空閒佛地許儒居  
敢謂行窩且貯書  
老子不妨歌十畝  
小兒還可就三餘  
西隣機杼勤堪勸  
東圃耰鋤拙未踈  
更喜五溪環合處  
閉門花柳似村墟

放生池上晚坐

風來水面細細月  
下城角徐徐恠是  
放生池上有人臨  
晚習魚

留題拂水崖真公房

我家去烏目北鷺僅一餉嘗遊但東麓拂水渺在望衆  
口詫奇勝翹首作西悵茲來不忌雨晴意晚始放力奮  
興亦超履淖老追壯一登還一頓往往手却杖轉陟歷  
亂石嵌突踏雲浪谿崖中通泉欲墮風倒抗颯颯成萬  
沫仰噴下而上著面毛骨寒遠立未敢傍直訝功德水  
泌沸金剛藏老僧瞰泉住相地風水當天設冠茲山邑  
人不我誑抱衾雖一宿言拙莫能狀乃知南山詩包括  
自有量重來何歲月此亦還可訪

過簡書記故寮

一寮峯絕處一衲一吟身忽爾有生內寂然無此人風  
翻破經卷雲護舊牀茵只有青山在如如似佛真

暮投承天習靜房與老僧夜酌復和清虛堂韻一

首

臨昏細雨如撒沙城中官府已散衙空林古寺葉滿地  
墻角僅見山茶花繫舟未穩促沽酒布帘尚曳河西家  
老僧開門振高木宿鳥續續番鴉鴉松寮竹榻古且靜

人影凌亂燈含葩殷勤小行頗展敬醜酒莫及先烹茶  
更添香炷侑清啜坐久不覺蒲牢搥三盃破凍聊爾耳  
俗慮脫臆如人爬浮生歲月聚散過撫事感老徒興嗟  
淨方頻來亦夙契敢惜片語償烟霞

遊高道禪居

山複岡迴靜結廬林蹊生處我來初杖欺新綠苔痕裏  
屐踐殘紅雨迹餘酒榼臨春聊遣撥禪床消日自清虛  
壁塵恠是遊題滿教種芭蕉別倩書

神樂觀留別祖席諸君

雨歇南郊風物新  
神仙宮觀擁金銀  
青山一杖付歸客  
玉洞千花留故人  
犀首不勝無度酒  
滄浪應待遠遊塵  
扁舟東去須乘急  
還剩家園數日春

題致道觀靈蹟二首

藏丹地底發金輝  
半夜通明識者稀  
坐子老師還急起  
畫符封井鶴先飛

檜蛟欲走夜壇雷  
飛石驚門不敢開  
明日道人成一笑



綠陰仍鎖舊樓臺

遊妙明菴

早霧未消迷過湖  
妙明春日步堪迂  
門懸斷岸谿橋接  
水限比隣野寺孤  
侍者鳴琴動春鳥  
長年引席候風烏  
偶然此集真鴻迹  
乘興還留水墨圖

過休休菴

市閭隘處有祇林  
怪是沿街容易尋  
枕聒鼓聲嫌縣近  
門垂簾子覺家深  
焙茶火暖香浮屋  
桁竹簷晴曉曬衾

愛此老僧偏靜得塵埃中養出塵心

題僧壁二首

塵喧俗鬧漫悠悠把舌深藏便罷休人非是來問我  
一場鶻突但搔頭

把舌深藏萬事休放開白眼看雲浮是非當面從人問  
斷不搖頭與點頭

保叔傅公得余詩畫失去重補

花宮寶塔映湖光題墨遊蹤久已忘屈指豈勝年契濶

感人何在畫存亡  
頭衰要雪消  
難得山缺教雲補  
不妨  
舊夢又將新夢接  
幾時風雨話松堂

感宜興善權寺寥落

有客新尋古洞回  
國山無處問茶杯  
僧煩籍役魚徒去  
虎熟禪堂引子來  
雨爛竹菇春委頓  
風驚松擇夜摧頽  
未應靈勝隨人往  
碧殿猶存火篆雷

至保叔寺

寶石岩堯登梵宮  
古城西畔亂山東  
熒熒高葉丹林露

卷三  
娟娟遊絲翠壁風下界行人映松竹半空飛鳥拂簾櫳  
故鄉迢遞獨登塔烟水長洲一望中

祠廟

墳墓附

留侯廟和韻

博浪還非擊鹿秋先生空作聶生流天將小挫宏開業  
事到不成細論讐羽翼四人歸妙算神仙一著是高遊  
千年遺廟蘋花在日暮相思楚水頭

謁退菴陳僉憲祠堂

少從杖屨記遊行今拜祠堂慨死生忽見丹青開慘澹  
尚憐忠毅鬱崢嶸犯顏切切先知禍載籍堂堂後有名  
真與吾鄉植標榜繼聲誰作鳳凰鳴

聞邑中欲立周文襄公祠喜而賦此

文襄化去我其魚滿地疲瘡九死餘永某舊恩驕衆鼠  
宋公新術誑羣狙空聞廟貌圖君實又恐人言賦子虛  
願見丹青一揮淚更將遺愛壁間書

杜東原先生入鄉賢祠

節孝公然當祀典千年香火見斯人  
莫由貴子能為地却信窮儒自致身  
標榜令名賢者位追陪諸老德之隣  
奉歌斐語林堂靖再拜祇迎颯有神

郭璞墓

氣散風衝豈可居先生埋骨理何如  
日中數莫逃兵解世上人猶信葬書  
漂石龍涎春霧後交沙鳥跡晚潮餘  
祇憐玉立三峯好浮弄江心月色虛

古墓

堂封千代失嵯峨高樹平來草漫坡白馬蕭蕭行客路  
黃牛哢哢牧兒歌只今麗石文章少奈爾空山風雨多  
聞道昭陵亦如此傷情不必問誰何

黃黃墳上草

黃黃墳上草青青復回春草死有生日土中無起人人  
心期百年誰存百年身有酒且為樂我愛劉伯倫伯倫  
亦已矣無酒澆其墳

祖墳栽樹

德立松柏舊陰陰斤斧丁丁不滿林樹盡重栽亦容易  
不能栽得子孫心

為錢世行副憲寫虞山先隴圖

監憲臨行尚倚舟隴雲阡月要圖收一時縮地便行李  
千里忘家愜宦遊不待移書問封樹即教開卷見松楸  
清明官舍梨花酒水墨微蹤散遠憂

理墳二首

官竹園頭春日斜手開新土漸成窪觀生如寄誰非客



視死為歸此是家白髮暫存知電露青山長卧有烟霞  
慰勞自假閒詩酒且弄年華與物華

卜墳已喜傍雲厓未老先曾有此懷鶴表虛名待誰錄  
狐丘宿約與妻偕百年齊裡參諸妄一錘泥邊打早乖  
免向君王乞骸骨自山生長自山埋

過荒隴醉言

老子尋芳挑酒錢樂哉斯丘青障邊若教即死便埋我  
更是可生還聽天人間一日過一夢花下百壺酬百年

尚將醉墨寄絕壁風雨不洗山蒼然

紀姚給事歸葬

惟昔永樂初皇帝治明堂取材蒼梧野在梗楠豫章督  
以給事臣若曰伯善行叶公素侃察聞百辟得激揚譬  
如公輸子材悉良不良此行固天簡公亦喜自當握節  
指八桂伐鼓官舫揚惟木彌萬山計材不計章昂霄及  
聳壑乃適於棟梁此處瘴癘地氣候日不常公病即不  
治骨肉懸江東叶無人事綏復其魂悵彷徨枯藤束木

函一殯六十霜嗟嗟榛鶴輩祖死而後生叶但知彼有  
殯不知在何方坐軌向西南行亦西南望叶雖劇返葬  
心日月何茫茫無財亦無時猶盲者無相叶天寶使湯  
公官廣得其詳書報在全州湘山寺之旁如因曼父母  
始知墓在防二子讀書畢哭踊如初喪榛行不擇日即  
日裹餼糧鶴云兄當住小弟力頗強此櫬所不返不復  
載見兄叶出門當嚴冬雨雪滿大荒九溪多鼉鱷鼓濤  
播舟航五嶺饒虎豹磨牙引饑吮鶴行無恐怖孝至膽

氣剛達彼全州境入寺悲荒涼宛然三門側有埴記其  
藏拜之號三遠聞者痛肝腸發幽升輜車奉還萬里  
鄉白骨猶載肉樂歸所自生叶藹藹桑梓里鬱鬱楸  
梧岡得從先人兆如齊返周葬叶況與元配合孤雌成  
鴛鴦劔適合延平壁不滯咸陽劔壁不自能良藉人  
所將嗚呼二子者生死有耿光嗚呼二子者古義行于  
今叶嗚呼二子者頽俗亦可興叶虞山若增高琴川若  
增長

過席心齋道士墓

丘墟寂寂臨川上，桑海茫茫感蛻餘。  
舊用棗盤靈霹靂，新來劔地入耰鋤。  
羽人欲化楓株老，仙鶴無言石表虛。  
我願追求金薤稿，碧苔狼籍漫蟲書。

復劉龍洲墓

龍洲先生非腐儒，胸中義氣存壯圖。  
重華請過補缺典，一疏抗天肝膽麓。  
中原喪失國破碎，終日憤懣夜起呼。  
往籌恢復詣公衮，論矛聽盾事大殊。  
芒鞋破襪世途澀。

削綏短劔秋風孤登高聊且賦感慨江山故在英雄無  
權門欲招脚版硬顧遂詩朋兼酒徒尋常一飲空百壺  
賣文贖券黃公壚酒豪欲便蹈東海故人留髡亦須與玉  
山固是埋玉地歲惟三百骨已枯三朝封樹載起廢人重  
風節非人驅嗚呼人重風節非人驅龍洲龍洲真丈夫

厓山大忠祠

落日荒荒下大洋樓船載國此時亡君臣入海仍魚水  
天地移風已闕黑霧不能迷死所白雲依舊是仙鄉

二忠合作三忠祀添設文山一瓣香

二公至此不能為力盡堂堂是死時一塊肉同今日喪  
孤兒事屬老天知弱流萬里難容楫清酤三行欲動旗  
一殉毅然酬所養厓山堪壯不堪悲

曹廷儀哭其師陳味芝墓

方寸千里心三年存義喪淮陽一掬淚不顧吳雲長此  
淚久不落自子忽浪浪嗟哉彎弓輦掩面在道傍

題孔太守高州生祠碑

有序

孔公韶文孔子之後讀書有大節初知高州時西廣賊擁衆萬餘近城而寨城嘗遭三掠矣精壯皆從賊惟存老弱食且盡水又被賊窒其源不給民遑遑日待斃耳公度不可為告天曰某死城中不若死賊所苟一言可革其心則死而生也乃單騎往喻賊賊駐城北山上望一騎至兵皆蜂集橫及露劔夾于路兩旁公獨行鋒刃間更無一從及抵賊寨以利害曉之賊皆感激仍具燕燕公不食遂以所掠校官生徒洎



僧道男婦千餘人俾從而還約明日皆來歸果得七  
千人餘皆散去公復率兵邀其歸路既而亦納款盡  
以恩信結之公兩廣之勳多所助焉

民羸食闕官初到壁破城殘勢莫全獨馬蕭蕭戈戟裹  
片言落落死生前身何我恤愁何賊事在人為幸在天  
衆叛盡歸非却敵功名不許子儀專

謁夏忠靖周文襄新祠

水利克修財賦舉二公戮力惠吳民祀行今日欣成典

愛寓斯邦合妥神儀貌堂堂快星鳳功名在在認麒麟  
山川悠久貴同德椒荔殷勤系後人

謁銀瓶聖女祠

蘭槁花不活松折枝亦傷阿女爺所生還有爺心腸爺  
亡女即死女死家亦亡銀瓶本完物隨女井中藏井水  
夜夜飛虹光千年不沒銀瓶娘君不見趙家樓船海南  
破孤兒又向波中墮

慶樂園

太師本是椒房親竊弄何憂天子嗔喜把貳卿酬佞客  
怒張一網打宗臣臺喉給舌不敢劾桃李無言盡門客  
珠翠夫人雜內嬪烟花甲第齊宮掖轉眼豪華一夢驚  
萋萋零落犬無聲也知竿首甘心死得與朝廷謝北兵

經宋故宮

松嶺行宮倚夕曛繁華丞相太平君江南喜有文侯命  
河北愁無靈武軍翠閣迴臨千澗月珠簾齊捲萬山雲  
笙歌如海春風裏五國城頭可得聞

大忠祠七首答西涯閣老苑庵史書見寄

行在遑遑霧雨昏  
旌旗波浪擁金根  
六龍逋播三閩轉  
四海陵夷一角存  
天步惟艱嗟末路  
人心未死顧遺恩  
至今島嶼瞻淵日  
扶起猶疑二相魂

乾坤破碎完無日  
忠義精明死有時  
火德餘光終水剋  
趙家一肉殆天夷  
道窮竊洒乘桴淚  
流弱空持作楫私  
毅許此身酬作養  
厓山堪壯不堪悲

嘆息乘除在眼前  
枉勞禍結與兵連  
算來點檢亡周日

又見祥興了宋年海若波濤舟覆國相臣肝膽柱擎天  
保孤復業非無志數不能全義却全

宋廷忠逆迷冠袞此地扶危見兩臣生死同心復同節  
謀猷知國不知身宜中既莫分家禍弘範何嫌是漢人  
南望厓山空弔古一堪切齒一沾巾

南北干戈在在危苦扶黃屋再驅馳中原地絕何求海  
左衽人多已異時辱去青衣五十步悲同黃鳥一章詩  
新祠椒荔初行祀落日靈風欲動旗

立帝無何仍立帝流離王業恐難全長君為福后有語  
一旅能興天與賢鹿逐臨安初失所龍之南海卒歸淵  
尚憐當日行中淚萬里鯨波血未瀦

睢陽一建建屋山大節公然伯仲間家國已亡何廟待  
丹青如在是天還神回雷雨驚生氣怒鬱風雲見慘顏  
快覩乾坤不多有千年香火出艱關

石田詩選卷三

欽定四庫全書蒼齋要卷一萬六千八百十

集部

石田詩選卷四

明 沈周 撰

宗族

汎月辭 并序

家君以風痺兩年不良行今稍可扶掖出入七月望  
夕氣清天高神情朗徹因合近局五七人汎舟奉遊  
于谷木川上水月浩然照人如畫乃烹鮮醜酒捧觴

屢進復造此辭揚聲中流歌以佐之客亦宛轉齊口  
相和家君馴及微酣月午始返棹可謂樂矣其辭曰  
川之迥兮澹無風月初出兮露橫空汎樓船兮川上弄  
明月兮川中鼓蘭漿兮揚彼素波光出沒兮復見星河  
清歌激兮觴屢進夜未央兮歡樂多歡樂多兮百憂釋  
百憂釋兮除疢疾除疢疾兮安吾親忘歲年兮遊無極  
七月望奉老母汎舟玩月

沙溆生涼壁月秋老親看月子操舟雖無王守觀燈樂



也類潘郎禊祀遊風動高荷聞露注星明珠亂螢流  
酒波汎汎清光裏但願年年照白頭

中秋感懷

去歲中秋月吾親正在堂今年親不見此月若無光淚  
眼渾迷霧衰毛半染霜東家共清夜依舊有華觴

除夕歌示子姪

去之歲來之年一迎一送燈火邊迎新送舊大家事覺  
與老者偏無緣黃鷄未號霜滿天一心百感惟惻然小

兒自喜時節至催理靴服誇新鮮固知老者已異趣青

春似因兒女妍青春懸老不多地白髮紅顏俱眼前去

之歲來之年譬如傳馬相絡繹又如車輪相回旋誰從

箇裡饒不死嚙氣苦苦修神仙我於所去已五十其來

百歲亦倘焉使我五十不為天使我百歲不為延尚有

天而去者與來者在我先後計萬不計千其間豪傑夢

幻耳冥冥漠漠真堪憐惟有青竹數行墨待來追去名

可傳勸兒必讀床頭編莫惜買讀吾無錢男兒所立須

及早老夫代爾耕春田

古木羣鳥示鴻兒

羣鳥小筆聊爾耳豈足貽謀為兒子汝今裝襲亦自好  
況多題辭大夫士我家孝悌仍力田自此相傳逾百年  
門前大樹已合抱今有此鳥巢其顛人云鳥來不易得  
他家豈無樹千尺北平乃見猫相乳江洲亦聞犬同食  
我慚何有於烏乎我自我今烏自烏汝當力行為已事  
毋但區區重畫圖

送巽女歸徐氏

紅車綠幃及春明六禮周時汝好行銅鏡試粧花髻拙  
布衣隨嫁竹箱輕繁絲緩柱房中樂細鱸深盃堂上羹  
婦道從今須孝順戀家不必淚盈盈

憶弟妹

五人弟妹一胞親白髮于今剩兩人半夜鴈聲孤枕月  
起來愁坐不訾身

拾遺紙感繼南手墨

亂直初拾得舊墨忍重披繼燭垂垂際蒙塵漠漠時楚  
王遺屐念原婦故簪悲掩卷山窓下潸然老淚滋  
德韞弟禁酒有作魚咎鴻兒

此病都因痛飲中自憑斷飲作醫功便須真止學陶令  
也莫無多學次公醒坐煖宜東閣火酣眠煞忌北窓風  
重君猛省吾深喜安得聰明及阿鴻

喜樗弟開館

家庭人靜日遲遲檢束青衿漸有規小子方能識庭叔

抗顏真去作人師床頭把卷書魚走窓下開絃野鶴窺  
訓詔有餘仍自學知君況是少年時

喜芾奎二姪延師教子

俗習務淺鄙養子多昧教且云初識姓便是學之要學  
豈止識字要在知人道人道重綱常文藝稍加膏愛子  
若不教護病不醫療往往歲月後歷歷見狠傲孝悌莽  
無知禮義蔑循蹈辱父辱門第至此徒悔悞此過不在  
子在父長其暴能教始為愛教成自有效不可吝鞭撻

不可恕幼少今年賀美事二姪改俗調令子從師儒詩  
書發蒙昌此舉足高尚先緒喜可紹譬穀既歷春白粲  
脫黃糙又譬金淘沙披汰金乃耀願言勿中畫進進有  
遠到

徐甥子修童贅

吳人多男效秦贅贅男與人如接樹抱他根本作春色  
為榮為枯信天賦小兒拜我下堂行雙州垂䟽繡襦袴  
欣欣何省旁人門離家苦動爺娘慮老夫為渠且莞爾

兒債眼前寬一步

失孫

茫茫得失真誰使欲問惟應造物知  
六日流光人屬夢千金遺愛淚如絲  
重來尚結他生願老去難禁見在悲  
嗣續百年成底事橐篋空剩此篇詩

抱孫

榦具豐隆骨更奇白頭喜抱此孫兒  
十分事足惟些欠不及婆婆眼見時



人日訪徐氏妹

曠時思覲面引棹不多程未似鍾離遠便從人日行提  
攜惟一盞迎拜有諸甥白髮團團話春風繾綣情

正月四日喜許氏女得甥

汝寡無丁男托命惟一女活世真廢人盲瘖無乃是今  
年女有育正月利弧矢乃是四日生六日方聞喜得報  
訝其遲隔縣本非邇老夫笑滿面賀汝似得子他人視  
則甥在汝則子比緣情遂忘分慰眼併遺氏在我固稱

彌因汝喜切已婦人曷持家嫠窶有恃身後饗榮盛  
其氣尚有以汝夫在地下不為教氏鬼譬如委霜草今  
為春風起復如涸溝魚一夜漫春水只憂不曾生既生  
長易矣便須買書本教小孩提始成人無他圖讀書而  
已耳

悼內

結禱四十二星霜貧賤來歸貧賤亡祇剩辛勤在麻桌  
儘知慚愧累糟糠駸駸馬齒偕誰老耿耿鰥睛覺夜長

淺土不安緣借殯青山愁絕幾時藏

正月十五日送三女歸史氏

春王正月及佳期送汝登車甫結褵累重忽輕心自喜  
愛深將別意還悲暹粧莫謾求珠翠善事須親到帚箕  
孝順由來宜婦道尊嫜況我舊相知

哭母

都房笑語處腸斷忽然空昨日今朝事天翻地覆中痛  
將雙眼血願染九泉紅我母知相憶時時魂夢通

哭親

不見堂上親遺我堂下身有身如枯桑不復知青春人  
皆依父母我是無依人感恩等天地徒然抱涓塵報養  
已不迨此身何用存欲死顧有托欲活無精神杲杲白  
日下冥冥與死鄰痛撫心肝腸崩裂不可紉

示復兒

言語不可苟謹之應免尤使聽人不厭容察實無浮當  
識寡為吉勿令輕起羞此聲心所發心要與聲酬

十二月一日亡兒附主于祠

悲傷未輟淚又及免喪期碌碌有窮日冥冥無盡時破  
家搯老力瘦骨裹空皮以汝附祖食幽魂安可知

雜流

雅士吟

雅士居鄉黨平易以為德口惟無妄語貌有和樂色溫  
恭一座上四隅皆敬飭他日偶虛位噓噓衆狂惑如冠  
在人首寒煖初何益便去若無妨但覺儀觀失君子無

異人無之無以式

貧女吟

貧女勿多怨怨多亂心思慕富不知分厭貧不知時折  
荆聊約髮金釵同一施練布與錦段適煖同一宜貧者  
豈長貧時至會有期在時不在貧嫁德不嫁姿請看白  
頭女終為王者妃

溪翁

參差榆柳逼門前不剪茅茨不斷椽歲晏鷄豚隣社鼓

秋深蝦蟹水鄉船會羞蓴菜量加糝  
嗔拗荷花誤結蓮  
昨日逢渠溪漲後別無言語只憂田

牧童謠

朝牧牛暮牧牛朝朝暮暮牛放收  
騎牛喫草抱牛睡牛若渡水我亦  
泅牛東信東西信西我弗強牛牛自  
由不勞不饑肥且長背肉秋來平似  
掌逢春耕田牛得力大凡要用先須  
養家中大哥氣力無一春築城夏鑿  
渠交秋又點征囚奴我為大哥鼓隴  
胡

從軍詞詞





屋資無告故人散  
草中五畝愁荒烟  
面鰲骨立牙齒脫

短褐曼胡管屨穿逢人欲歌豪或在聲吞苦淚秋漣漣  
老人勿悲此世態富貴貧賤本相懸薄徒勉強狃勢物  
聚散茫茫雲霎然但願老人有錢復年少此輩明朝還  
拍肩

贈老人

淚滿霜頤雪滿顛一身憔悴自應憐座中誰似楊開府  
莫易逢人話少年

屈老

長帽西風滿面塵相逢憐老不憐貧三盃濁酒浮生事  
一曲悲歌萬感人螻蟻未知何處骨蜉蝣聊寄不訾身  
白頭對客無聊賴還說鶯花少日春

地理師

洛卜鑿澗虛望知以楚地術有由來世好則往古之  
子悉心久自視曾楊侶登臨啓顧瞻富貴隨許與山水  
若呈秀目力無違迕苟有禍福存願言無妄取

白雲山樵歌

白雲山在何處太和峯下紫翠堆邊是山中道人玉作  
斧慣向雲根斫琪樹束之三萬束凡火不能煥却使火  
龍水虎相煅煉黃婆鼎中七七始成齊小服百年飽大  
服飽千歲長生之藥元酒味永不饑兮永不醉神仙洞  
裏觀棋去斧柯爛盡不歸來人間甲子須臾事

贈接花叟

打得旁枝手有神接他生氣一番新自家無限真消息  
錯借春風與別人

遇李生

李生生北方膂力矜異  
屨桑弓勁如鐵輕引左右臂短  
衣獵南山猛虎俱待斃  
官衢多騎劫一發嘗貫二含笑  
擔其囊輒補酒家費  
小飲三百杯味薄不足睡夜半挾  
金餅隔樓調鄰妓  
橫行長安中五陵誇結義  
秋暑滿谿閣解衣詫能事  
搥牀助談屑秉燭聽未既  
衆客不敢譁懾此河朔氣  
座無揚開府媿媿當誰為

贈隱叟

比比人稱馬少遊此生鄉里信沈浮東平格語善最樂  
萊老家風貧不憂白戰雪中詩敵手黑甜夢外酒扶頭  
子孫富貴曾無望只囑吾書仔細收

贈史癡翁

我昔間癡翁已及三十年不知翁為人名癡胡其然癡  
本性不慧朦腫百不便今年闔閭城握手在市廛角巾  
摺軟羅腰帶敞帛纏短屨草獵獵長袖雲翩翩溫慰未  
通語輒歌沈醉篇拉翁黃公鑪買酒醉聖賢却盃不事

飲莫與癡為緣我謂癡所發必恃酒為權無酒癡不成  
癡酒不可偏云癡豈假酒假酒癡不全我癡把混沌七  
竅莫我穿若謂酒使我良馬亦俟鞭人以點教我我自  
信癡蟬人以唾我畫我畫師癡虔手探夾袋中出具置  
我前水墨乃從事慘澹開雲烟大幅及小幅紙影彌山  
川圖成贅言句草次亦及立市上諸小兒驚駭謂之仙  
清虛結簪衲罵花亦留連要去不掉頭急急箭脫弦無  
慕富豪門脚版如鐵堅此翁所以癡以故囊無錢於人



有雌黃常在口角邊於人有孝義記注一大編此翁不  
癡者人焉得知焉吳人多癡呆翁豈吳人傳翁云我吳  
產此病知莫痊我生迨八旬落魄如風顛不知人所毀  
亦不求人憐種竹欲借地買書常賣田蓬蓬被白髮吐  
吐書青天我顛與翁癡癡顛相比肩約為老兄弟逍遙  
覓彭錢

僧道

老僧

精舍沿街似離城一爐柏子送經聲閒因累少身俱嬾  
老覺心空死亦輕蕉葉大宜秋雨淨竹梢低愛晚雲橫  
尋常見客先稱病只坐牀頭無送迎

丹僧

深目流光口帶髭梵書真訣鎮相隨茅山道士燒丹伴  
天竺先生授記師毛製氎袍寒日著顛裝金碗食時持  
遊蹤又逐閒雲去滄海從來未有期

贈源上人

苾芻聞香十年已嘗有寄緘烏有裏祇從人家誦卷軸  
千里何殊相晤語雲萍蹤跡不可呼眼外之人疑老矣  
今年秋暑我林榻脾病困頓未能理黃昏短刺墮枕前  
不倩人扶攬衣起吹燈相照見瘦玉人與清詩正堪儼  
僧中此老古或有超然已覺今維此翻經石上月紛紛  
半是微哦細吟耳我持此癖七十年滿地江湖俟知己  
傳杯夜屋破蚊蚋且畧無生談賦比杭州官府尚多賢  
當面參寥惜無與脚膝之下自有地不作窓蜂苦鑽紙

斯文有契屬老境頻往頻來自伊始白頭接膝無百年  
人生歲月如流水

答僧求畫

參方歸去草鞋穿老屋清齋省舊緣千里絕雲行脚債  
一單安月在家禪蕉留庭戶因供字筍熟園林不賣錢  
何苦要儂粗水墨此心猶落妄塵邊

和錡古田韻

昨晚溪頭月色纖老僧相見且和南算春已及一百五

問老今慙七十三桑戶日長蠶足食竹堂風暖燕交談  
茶甌酒濁無清供奇石銅盤也自堪

和侯公韻

詩僧隨分住市構且三間比屋地俱俗隔簾人自閒道  
同潭性徹法化石頭頑吟思充行脚時時出世寰

和嘉本初夜泊楓橋韻

風流張繼憶當年一夜留題百世傳橋帶人家斜倚寺  
月籠沙水淡生烟火知漁子仍村外舟載詩僧又客邊

金方口月  
卷四  
我愧不能同此宿却因新韻偶聯篇

趙頭陀

山住忘八年衆慮攝一定氣味漸木石久久同心性面  
瘠疑饑成肌澤匪浣淨覆髮短及耳鬚槎黑紛勁邇來  
訪人寰迹若無塵境半跏就長衝目瞪神亦凝過旅詰  
何修百語罔有應中露詫莫偃尚見雪霜更動偶不知  
動靜至不覺靜譬觀鏡中影出入何害鏡施食信酒肉  
大啜蔑羨刺投貨畧不顧千金等破甌謂仙人莫究云

佛誰敢證塊然天地間造化莫命令

題芭蕉贈僧

山僧心與跡俱閒未限居山及出山長對芭蕉閒不過  
時留一偈葉中間

方水雲過竹居

翩然學仙子浮遊大江東落落三年間始喜一再逢皎  
皎衣白葛我我戴芙蓉造我修竹下自開牀頭壑叶笑  
歌杯酌次揚聲動冷風勸我事至道玄默與天通欲學

金方道人卷四  
知不易衰頰無故紅明朝返笙鶴無方追往踪

方道士還冶城

僧順嘗有言惠不在天上但行即須到此氣何勇壯水  
雲黃冠流詩酒發清曠十年落東海故國隔西望亦云  
自不歸要去誰我障配順足有餘天地納豪放今日金  
昌亭風緊秋葉蕩留亦無不從去亦無所悵吸我白玉  
鐘仰面月相向酣歌一掉首雲鸞渺仙仗

全真道人



碧色襴衫雪色鬚  
山林城市迹何拘  
標清自認身如鶴  
步捷人疑鳥是鳧  
掛搭烟霞詩夾袋  
浮遊雲水藥葫蘆  
長生脣舌誇能事  
不敢輕傳恐涉誣

還俗尼

婆夷本欠佛因緣  
無奈心香起業煙  
衆散珠林還火宅  
官收寶地作民廛  
菩提舊念慈雲滅  
歡喜佳期好月圓  
清淨池中生愛水  
從今都長並頭蓮

寶林裝師八十

定裏何曾記歲華萬緣空是壽生涯  
干峰健步無筇竹  
一鉢加餐有飯麻心似青蓮藏般若  
若眼將秋月照楞伽  
問師歷臘今多少不欲通人道喫茶

黃道士醉死

汝師緣醉死汝死亦師如墳借糟丘  
築碑將酒德書足  
跳跌後跛面脹痘時虛化去不留影  
吾詩真寫渠

西山老僧

老抱清虛太瘦生雪眉霜鬢使人驚  
遊僧久住同衣食

畜鶴長隨識性情  
土銜逼牀身暖活  
紙窓烘日眼晶明  
此心應與山俱靜  
不是深山養不成

寄金白菴

白草茨菴白葛衣  
白頭嬾剃雪根稀  
子孫登錄俱天上  
獨掃青山待客歸

一箇蒲團一老身  
蓮心清淨不知塵  
更將蓮舌話生滅  
點斷冥冥過世人

題僧化緣疏

忙忙展枕逐鷄棲洗面忙忙雞又啼傀儡不知提處假  
骷髏方信活時迷身如革鞞無多氣墳認餒頭却是泥  
儘積萬金難買命依然一箇死閻黎

雨中訪白菴金公

雨戶無人應客搥自遮明眼把楞伽歲年漫度不知臘  
天地無方何問家鴨脚樹高生茗果虎鬚蒲久發仙花  
一番相見一難得莫怪趙州頻喚茶

尋僧不遇


幽蹊漫石水縱橫遠見孤雲與塔平特抱琴來僧已出  
欲因山竚鶴先行交鳴野鳥嘲風暖亂發林花趁雨晴  
墻壁淋漓題墨遍詩成懶得更留名

燒丹道人

真不能全道強名東鉛西汞訖煎烹癡人夢被黃金惑  
浮世忙因白日生敝屣市廛雙草健破冠塵土一瓜橫  
欺心玩弄神仙術欺到死時心始平



石田詩選卷四



總校官進士臣胡 榮

校對官中書臣王家賓

謄錄舉人臣武先振

謄錄監生臣李敦源